


龍眠風雅

卷六十一之六十四



龍眠風雅卷六十三目錄

木厓潘 江蜀藻輯

富平趙 述述古 叅

門人高 華旦兮

寓公

王宣 二十一首 鮑仲熊 二十九首

汪之順 八首 汪宗魯 二首

羽士

吳道隆 八首

衲子

釋淨倫 一首 釋洪恩 十四首

釋德清 六首

釋汰鎧 一首

釋本智 五首

釋佛光 二首

釋行岡 十首

釋大艤 七首

釋元亮 一首

釋戒顯 一首

釋慧琛 六首

釋道盛 十一首

釋如清 二十八首

釋海珎 九首

釋本正 五首

釋音可 三首

龍眠風雅卷六十三

木厓潘 江蜀藻輯

寓公

王宣

字化卿號虛舟世居江右金谿之潘方里父客桐家焉因生于桐結童時即喜作詩歌一日隨父之縱陽客有屬賦遊女詩者輒應聲曰江邊客子思悠悠江上女兒花滿頭三三兩兩踏歌

太零落碧雲生暮愁遂以詩得各弱冠反金谿補郡諸生復來桐益覃力稽古博極羣書桐人土翁然嚮風友事者葉文莊燦方中丞大任何文端如寵劉評事胤昌左忠毅光斗齊山人鼎名方司農

大鉉林文學胤瀘方中丞孔炤謝處士逸李山人遇芳吳水部道新也師事者周司理岐方處士文方簡討以智孫監軍臨吳奉化道疑方處士豫立也十三經皆有疏解尤遠易學著風姬易遯與方

中丞周易時論互相發明又有龍馬言物理所金剛解諸書

同方玉成之元城別弟寅寬

龍馬言物理所金剛解諸書

龍馬言物理所金剛解諸書

龍馬言物理所金剛解諸書

龍耳風雅卷之三
風吹楊柳花高舉復低傾丈夫學書劍白首一無成退
耕苦無土進謁非所營吾友東南美烏奕領專城永惟
谷風誚念此生平盟烟花首前路輜輶將我行歲月不
可問山川非一程牽衣別骨肉亦復難爲情

嶧山

仙人收羣羊萬羣如一隻仙去羊不隨化爲此山石又
云太古荒此石在沙磧有人揮赭鞭鞭之血流赤驅將
置海東棄此曰鄒嶧平疇曠蕩中突爾紛狼藉簸地走
員方到天森劍戟最屬相撐撐豁訝開罅隙風生萬竅
怒雨注奔雷砮精靈綴岩阿隱躍見丹碧豐碑勒秦政
孤桐標禹益吾將老一拳舍此更安適

涿州九日

九日北庭菊香如南國秋啜英一以汎徙倚城東樓正
爾塞鴻去茫茫萬里愁

中秋自五老峰下月菴翫月作

天上坐秋色毛骨亦蒼翠歸來卧空山衣薄雲猶漬白
榆歷歷青女寒高歌擊節碎琅玕古今令節人同月誰
向匡廬絕頂看

咏史

一作劉公未沫詩

相如罷車騎高卧秋風時門掩茂陵草夢遶甘泉枝寂
寞竟何事歲月忽已馳賴有長門賦能克取酒資

過田家

音耶屈羽卷之三
田家隔朝市抱犢良優游到門見垂柳屋角飛鳴鳩前
溪漲新雨良耜刺平疇余亦躬耕者因之懷故丘

醉坡汪未央携酒見過其人東魯高士極慎許可

紫馬玉盤陀黃流金叵羅感時深謝客愛我獨相過共
作蘓門嘯羞爲燕市歌向來知己少此日一人多

懷方嘉州潛夫計此日已抵任矣一作劉公未沫詩

之子三刀夢嘉州萬里行舟過神女峽境入錦官城杜
宇千林合峨眉片月明此時端手板從事恰相迎

贈楊古度

楊生江上抱殘經落落虛疑處土星三月鶯花歸未得
半天風雨酒初醒有時得句驚髯白何處逢人不眼青

舊業關西瀕入夢肯教虛卧子雲亭

酬葉潛之夜飲兼訂斐園之約

石城秋色移舟遠山郭寒更對酒遲多病尚餘司馬渴
下關初傍董生帷楮裁玉葉文心巧花綯春叢筆夢奇
見說斐園堪嘯咏何妨乘興一臨窺

飲方玉成園亭

花前十日三相見習習香風步履輕馬笠故人悲半在
雀羅門客見交情檐飛乳燕過新社草綠橫塘對晚晴
萬事共君頭白裏獨餘尊酒是生平

豫章藩署送朱山人還姑蘓

一尊風雨暮江頭遙識仙家傍十洲飛鳥自于天上太

前賦風雅卷六十三
著書不爲世間留劍分南斗雙龍夜練合吳門白馬秋
到得碑陰逢若士可能聳臂復來遊

集劉未沫宅賞桂花

又是秋陰恰半時桂香盈座酒盈卮
虛疑白晝烟籠樹忽覩青天月滿枝
投轄孟公能好客如泥周澤是吾師
衰年日日憂羣盜醉殺還勝死亂離

曹元甫携具謝樓同方密之賦

樓頭美酒如黃金樓外高天覆綠岑
蛤吹稻梁千畝合鷗翻雲雨一溪陰
桓劉草草興亾事謝李寥寥正始音
俛仰只今吾輩在相逢惟有淺深斟

兒子振初便道省覲

天涯正爾憐形影拜起俄驚汝到來
衣上雪霜千里色手中書信隔年裁
恒饑弟妹容應改垂老而翁病轉催
好耐心情修藥物漫言歸去使予哀

初春送周農父赴苟侍御賓席

亂離何處控征鞍獻歲椒盤且共歡
羣盜未隨春氣解巖城初閉日光寒
時來驄使相迎好老去驪歌欲賦難
想到冶亭愁不寐妖星時向劍頭看

周公廟

周公遺廟魯城東想像靈光識故宮
碧瓦金題人不見離離禾黍動秋風

山莊

背郭松陰十里斜到來無處不烟霞門前流水溪頭瀑
幾樹新開杏子花

答客

劍隱芙蓉卧草茨十年心事藥爐知何人錯認田光在
不似先生少壯時

福州飛鸞嶺口號

草逕穿雲十二盤若為無事度飛鸞愁來忽聽鷓鴣語

山鳥亦知行路難

鮑仲熊

字虎子廬江人自言常州武進人流寓桐城為僧不斷酒肉好大言酒後任歌聲振林木

方宮詹坦菴姚樞部戊午極賞識之相與唱和甚懽無何又棄去軍持漉囊衣山人巾服遊放山水間其跣跣不羈皆此類也所著虎子我詩亂後無有存者子門人王子浩生偶得之石溪村塾中予

手錄副本今為分別存之姚榮靖非僧也錢虞山不以冠功臣虎子僧也予不以附開士議者謂錢

為衍公知己則謂予為虎子知己亦奚不可

小梅舟次

岼山橫暮雨孤艇意俱遲幾日避高嶺斷雲補破堤人
家楊柳近湖水稻梁低長歌復長嘯乘風知幾時

官凝之園亭招飲

園亭非不有愛此城中山靜聽萬家語忙偷半日間偶
憐花倚檻為放月開關即此便安樂何須更駐顏

泊蕪湖同姚純甫

蕪陰風月夜半接晚烟中平白浪無際遠蒼知有窮鄉
心隨水泊家計與舟同不盡江天意對之如畫空

山居

清供隨時有常如客到門掃花煎竹葉破石煮雲根往
者明時去終焉古道存敢言耽寂寞無鬼不須論

月夜卽事

明月照人近良宵只自看徘徊不肯寐孤潔轉相安樹
影常疑鬼天高豈讓山清平纔一曲香露著衣寒

同趙叔厚遊水西

聞鐘知遠意破俗偕雲山竹杖溪邊寺松門日下關野
僧開冷面熟鳥認生顏梅子何時落夷然共往還

盛蓮生爽園

朝來有爽氣日涉趣爲園一部修花史三間拜石軒平

臺儲月殿亂竹奏雲門城市下方近終年未覺喧

方坦菴龍井二首

龍井疑乎非世間髯翁偷得不曾閒栽花就石央雲灌
補罅藏舟付水關客至有言頻擊磬日來無事但看山
陰晴予奪皆相適更覓何方可駐顏
置身幽壑已忘還應是天緣非等閒文字何曾烟火氣
衣冠全染薜蘿斑飛橋棧月空懸壁接屋連溪湊作山
形影此中多少日寧容一刻不追攀

寶山

山老不如人耐秋黃葉漸脫紅顏愁有聲盡是落花韵
無計可爲歸燕留香月入林清見骨寒雲愛日懶成樓

三春每訂三秋去及至三秋依舊休

遊敬亭山

春纔十日入山行新綠枯枝相次生年煖困人依樹息
餘香出閣伏龍腥野花無怨自開落怪石當機不送迎
兩度此中窮眼力敬亭十載笑虛名

山居詩六首

自許愚癡不願行寧終清苦慰空生完全舊我還他去
博得新閒遠物爭洗菜臨池猜面色折松下爨息虛聲
橫衝絕頂誰相識靜夜山風嘯月明

這裏雖忙無世情山靈信美喻殷勤歸猿攀碎林間月
去鳥飛開石上雲塵不到門心路絕聲垂過枕覺場分

風霜保得孤根在不受些兒亂斧斤

芭蕉覆屋鬼藏頭枕熟黃梁夢未收一葉人情風上下
半窻天色日輪流僧歸常帶溪聲入雲去不貪山影浮
怪底鴻濛傳異事隨他寒熱報春秋

半壁烟綃分遠林日將短褐據蒼岑風期遇竹時爲籟
山不厭雲常作陰脉望未成先滿字奚囊無底謝長吟
閒來贏得多餘事梁月穿花一曲琴

菴前樹葉半秋黃物自榮枯人自忙曉露霑衣千戶月
暮雲歸壑一溪霜只言紙上功名薄誰信山中節令長
更憶萬峰深處好縱開猿鳥脫行藏

隻履繁霜星火焚拳頭紫翠搏薊芸三生石上閒風月

龍耳風雅卷之三
一片山中懶雨雲花托流泉香出世木依衆草得超羣
怪來相笑猩猩酒我自無爲不敢聞

春日遊龍眠古渡三首

閒溪不作聲暗暗吞今古往來渡頭人不知溪是主
耳熱李龍眠眼紅鮑虎子風流五百年不爲風流死
拄杖帶香泥應是春溪處遊人不肯歸盡被春溪誤

水陽河

一日只行六十里水陽河下船如齒月明不見月中人
一枕相思隨夢起

自祭四首

生不遇時死不傳且將杯酒祭生前予生在世成何事

吾亦難言敢問天

三十一年骨半枯敢言痛哭舊頭顱有家咫尺如千里
只爲顛狂錯讀書

冷面紅心自作人風霜雨露樂天行任他笑破狐狸口
莫把骷髏對鬼吟

囊有新詩可療貧肯攜面目與人憎年來多少英雄淚
盡向風花雪月傾

別餘溪

山似多情人似雲忽相聚也忽離羣雲情似與人情慳
常作山靈露布文

雨竹贈小玉校書

星星夜雨度修篁乘醉西風小玉狂刀尺輕寒敲不醒
美人和夢到瀟湘

午烟到枕從來睡小犬窺爐不管寒惟有青山相信得
今年還是舊年看

和吳師時
滿面紅塵杯酒洗箇中涇渭許誰分獨憐壯士無顏色
意氣紛紛化作雲

汪之順字平子一字禹行懷寧人家於龍山與桐人
士唱酬最密性溫雅藉跌宕風流每酒後
擬竿楔瑟度曲高歌使人忘倦為詩蕭閒淡遠有
孟襄陽韋蘓州之風同里若范小范又蠡汪瑤若
宗周任克家塾程子先從大錢枚一選蔣素書瑤
芝皆一時詞壇之袖領也平子晚年自署梅湖老

人所著詩文甚富瑤若貽我十數篇卓爾不羣竊
光拙集予于流寓諸公必僑居最久者方敢借重
若雪泥鴻爪偶留筇迹則未易更僕也錄平子之
詩因念我亾友吳端儀王仲夷吳退之阮子靜諸
子不禁春興翻行賦謝家
惘然

客來

烈風蕩湖泊春氣未和柔物色慘以悴鳥鳴聲啾啾夙
昔負大志緬邈思壯遊乘傳過上邑擊汰歌中流結交
天下士輸寫千載憂此志竟沉淪徒然守樊丘黃馘垂
素髮鶉衣披鹿裘別離鄉里笑迂拙妻孥羞半菽日難
飽遑論終歲謀今晨有客來時事談不休弔我老失路
功名等浮漚
聖朝復舊制明經卒見收從容待次薦
爵祿沾爾儔胡為輕棄擲日暮空夷猶予聞三嘆息寒

前集風雅卷之三
默還低頭甚感客意厚甚愧客念周士各有微尚茲焉
非所求平生幽獨意不爲升斗愁千鈞弩牙折麤鼠寧
足酬斷木被丹黃何如徑與溝勸子且飲酒命婦開新
筵客太子亦卧到門惟沙鷗
天不寄瑤若兼東不害
又忽一年過春來憶所爲看花何處醉咏史幾篇詩歲
月閒難得山林老莫疑孫郎煩寄語新柳倍相思

山行

不厭山行苦春溪聽子規亂蛩衰草路一鞭夕陽時野
碓春溪緩繩橋過澗危久晴知欲雨撲面有游絲

甘露寺夜坐

門閉孤燈夜風生萬壑秋寒虫溪共語古佛客同愁瓜
菜分僧供衾裯爲病留疎鐘人定後殘月上山頭

谿邊

谿邊深靚裏古木響流沙石髮披山鬼松鱗蟠怪蛇渾
淪元晝夜清淨自魚蝦側听多幽意茸茸瞿麥花

得丁漢公孫子毅家園長寄詩

仲夏竹中飲秋風又早吹蒹葭千里夢鴻雁一羣思古
調向誰操溪心許獨知開槭蕪老病吾道果如斯

飲隣家

春飲隣家早見招不煩爭席坐逍遙高粱魚子滑流筋
蠟酒鵝兒黃滿瓢真率盡人忘主客談諧終日是漁樵

歸來膽勇殊堪羨安步徐過窄板橋

同磨山漢公不害集園長荷亭分侵字

短檻疎簾夏日陰過墻新笋綠沉沉尊前松響茶聲亂
衣上荷香雨氣侵半夜狂談人縱酒一燈清照樹橫參
中原我輩看搖落獨有千秋只此心

汪宗魯

字子鳧號竹巖懷寧人侍御時菴公之仲子順治壬辰進士初宰浙之縉雲陞山西沁州知州奏最擢工部主事歷宦二十餘年所至皆有善狀與兄宗周家于邑之戴冲以刑部郎中卒于京邸瑤若出其漳源近草見貽為登其一二以存崖略

晉祠登望川亭

夾道飛泉吼玉龍憑虛霽色想桐封珠簾欲濺梁園雪
畫閣疑通長樂鐘古洞老蛟翻怒舞靈旂小母獨春容

片時少借晴瀾浴幽澗臨流響夕蛩

謁文中子祠

學就堪為帝者師衡門偃仰託河湄至今遊笈銅川下
遙憶先生講肄時

羽士

吳道隆

字易水邑之麻溪人九歲出家于郭西太霞宮從師祖盛東陽遊東陽為司徒公族子嘗

携之入見司徒公目而異之曰此他日瑤臺貝闕中人也崇禎末秦寇躪吾桐太霞宮圮會靖南黃將軍援桐桐人德焉謀構祠生祀之僉謂非吳真人不足潔明禋答父老報功之意因徙而居焉易水有道術驅魃祈雨屢著奇驗好畜書凡真經秘籙金簡玉繩之篇以及儒墳梵筴靡不裝潢精好手自標記玉軸牙籤克物篋衍嘗撫而嘆曰子孫賢守吾書不賢則粥等敗楮不如焚之徒孫輩執不可乃止歿後斗室扁鐫封識有年忽一日火自內出併其冠劍鐘磬流鈴羽衣亦盡于一炬中矣

豈神物不久留人間上帝遣六丁雷電追取耶吾
邑黃冠能詩者前代頗不乏人亂後皆莫可考易
水有虫吟一函自序而錄之關中李子此瞻遊吾
桐假館黃祠見其詩頗加獎詡而序之以爲唐吳
筠之後身云卒年八十有一令其孫陳廷
謨亦能詩豈獨陰符寶訣流傳後人哉

贈爽園上人

地現仙人掌林藏佛子家誦經聞石磬聽法悟曇花塔
聚鳥巢穩城過日影斜空談無我相高致託烟霞

謁黃公二首

虎山將軍

羽檄轅門至將軍不願生雷霆初下擊風雨但聞聲死
賊退三舍生靈全一城至今遺老祭俎豆萬年情援桐
英雄經百戰忠勇實無雙浩氣今猶壯丹心死不降虞
淵爭墮日楚些哭長江薄暮烏啼急陰雲繞泐幢殉難

黃祠前雙柏

我愛古蒼姿風霜性不移恥爭春色艷直到歲寒知西
指禪師意高連丞相祠老夫多冷落對此覺偏宜祠與史相

祠禪度
菴隣近

招鶴

野性難羈絡高天何處飛只貪雲不礙未報客初歸刷
羽防秋冷餐芝耐曉饑好來緱嶺上笙響振仙衣

寄友人山居

西來爽氣近何如君在其中好著書已識天關多虎豹
肯教霞渚遜樵漁坐沉紅燭茶聲細吟倦蒼梧鳥夢疎
爲語山靈休逐客秋深來訪薜蘿居

遊齊山

江南風力老兼葭北陟齊山望九華人共白雲棲石屋
歌聞紅葉隔漁家牧之原上餘秋草武穆亭前亂暮鴉
憑弔不堪秋思起疎林遙見月痕斜

寄古槐上人

萬緣俱已託虛空秉燭風吹調自同手植一槐佛子種
身依五柳梵王宮通宵坐悟蒲團上竟日行吟竹徑中
飲水尋源誰得解好將四大任西東

衲子

以下係諸方高僧或卓錫桐邑各刹或瓢笠偶憩者

釋淨倫

字大巍雲南昆明人宣德丁未以正統庚申出家禮本府太華無極泰和上受禪學戊辰徧歷諸方天順癸未參古庭和上于浮山住持最久有竹室集與天童懷讓同時並闡宗風錢虞

山選其詩入列朝詩集虞山謂大巍得法于浮山
古庭堅公今山足斧公輯浮山志但以爲參古庭
和上乃詩篇中載七絕一首直以爲古庭學公按
虞山稱學公以洪武三年居光福浮山志稱古庭
以宣德二年見知于侍御張公至弘治六年癸丑
坐化年歲相距懸絕意大巍得法之師其爲學公
堅公均未可臆測也虞山錄學公詩三首頗有可
采浮山七絕苦不甚佳寧闕疑以俟後之君子

松陰小憩

風來石上松僧坐松下石洗鉢將煮茶溪流漾晴碧

釋洪恩

字雪浪金陵黃氏子年十二出家長于寺錢

牧齋云事無極法師般若若內熏夙習頓現讀內外典利如奔馬不勞問辨而堂奧歷然以無師智得大辨才愍大師北遊遂以弘法爲已任日據華座講演諸經盡掃訓故單提本文拈示言外之旨恒教學人以理觀爲入法之門說法三十年如摩尼圓照一雨普沾賢首一宗爲得法弟得繼席者以百計秉法而轉教者以千計南北法席之盛近代所未有也又云公自言不讀萬卷書不知佛法博綜外典旁及唐詩晉字惟燈晝被日夜不置

丹黃紛披几案盡黑萬曆中江南開士多博通詩翰者亦公與慈大師為導師也虞山之言如此其推崇者至矣公嘗開講華嚴有浮山長歌志稱公愛連雲峽如雪浪翻空因以雪浪名之即用此署別號虞山謂公晚年開接待院于吳之望亭以勞苦示寂歸葬于雪浪山又似乎雪浪非連雲公之別號亦不因連雲得名也然觀虞山所錄如夜泊慈姥磯望江南諸山及廬江冶父山居諸作則公之開講華嚴無疑矣

遊浮渡長歌

紫霞關外逢吳季滿目山湖共相計福城東畔澹居來
頓入聖巖歡喜地宰邑祠堂不用尋白雲紅樹亦森森
蒸嘗俎豆惟衰草蔽芾甘棠勿剪陰遠祖因碁曾說汝
坐隱崑中留卵塔想像當時舌上鋒勅敵歐陽亦解甲
太古初開此畫廊虛空為牖石為梁雲興霞蔚風可閉

蘿薜垂簷覆篠篁忽然步出蜿蜒竇千尺蒼龍亦何瘦
遍身鱗甲點莓苔萬里風烟若馳驟凝眸左盼仙人橋
只合凌虛上紫霄奈何珠宮秘叢棘致令鸞鶴杳難招
一派河山橫九帶假說三車在門外鏡臺交涉影重重
草木騰暉俱法界當年法雨潤閭浮今日蒿里山鬼愁
須知極樂七行樹只是西陵松與楸臨岐側入滄溟島
拾得交梨並火棗比隣羅漢石為僧鎮日談玄似娛老
連雲峽映遶雲梯雲開雲歛行欲迷煉藥臺邊聊爾過
圓通祇在小橋西太華峰頭飄一瓣梅恒利國濟悲願
非關蜃氣結樓臺準的循聲現宮殿紫竹林中鸚鵡飛
躋攀磴道陟崔巍松間忽賜金莖露望入天池下翠微

歸去仍經三曲洞三十六崑口裏誦織毫不動往來遊
始知無用成真用暫息重登補衲臺半壁青蓮雲外開
夾道垂藤間修竹箇中能有幾人來路寢張筵邀夜月
茗椀爐烟緣小結橋樹梅檀信手拈那辨淄澠黑白葉
霏微露氣冷侵人一語能回滿坐春直下盡拋人我相
何妨雅俗事兼陳道本並行不相悖鹹淡甘辛各五味
性相禪宗縱爾分要在伊人自心會病若痊時藥亦忘
五更枕上再思量直木先伐甘井竭好處抽身羨子房
世出世間元大夢傀儡登場須撮弄驀然平地起風波
覺後還自知身痛

夜泊慈姥磯登絕頂坐月

踪跡元蓬慕天涯自往迴秋風隨去擢夜色共登臺石
面潮初落江頭月正來最高思欲卧清磬一聲催

出劉菴晚步望江南諸山有感寄同社諸友
荒原無歷覽直視但丘陵斥鷃飛盈步波臣水僅升莽
烟孤晚岫疎樹出寒燈日斷鍾山色空餘望裏登

答王百穀虎丘送別

林棲同倦鳥山寺晚鐘殘霜涸秋潭冷風疎夜磬寒榻
方懸半偈錫更指長干欲就浮丘聽難禁別鶴彈

秋日過蓀谷訪石公

盤溪曲磴趨欹斜行盡芳蓀始見家門外空多萬岩窟
可中不滿一袈裟經年石瀨常疑雨每日林香未辨花

此處白雲紅樹好休容車馬破烟霞
誰向空門學布金新開龍藏樹祇林衣裁薜荔頭陀製
人頹蓮花不染心旛影到溪成梵字經聲出閣總潮音
氤氳細細靈香散識得諸天莫外尋

冶父山居四首

亂石砌成茅屋編柴夾就疎籬繩樞華門晝掩任教霧
鎖風吹
風雨杳無人至閉門靜裏生涯詩字蒲團經卷燒香汲
水烹茶
定起一聲清磬經行幾轉雲堂課畢篝燈松火摘來柏

葉生香

食至三聲鼓響茶來半點經圓四衆和雲散
月堦前

冶父山中有懷方丈菴

東嶺初升皓月西林漸沒殘霞散步歸尋邊笋乘涼摘
到新茶

望亭飯僧作二首

借得人家隙地中藏幾樹梅花旋搆數間茅屋欲談一
卷楞伽

屋後一灣流水門前幾點青山雲去月來橋上鳥啼花
落林間

祇樹菴

竹映窻前水漱門數聲幽鳥報朝昏行來恐踏苔痕破

目送山雲過遠村

釋德清

字澄印號憨山族姓全椒蔡氏年十二入報恩寺與雪浪恩公並事無極法師北遊叅徧

融笑岩借妙峰登公棲北臺之龍門大事既徹慈聖皇太后建祈儲道場實主其事未幾黃冠難作坐私造寺院戍雷陽時兩粵患稅礦之使公以佛法攝受所全活無算嘗挂錫浮山有詩錢虞山謂其伸紙信筆一一從光明藏中流出萬曆間公與雪浪恩公先後來浮渡不可謂非山靈之幸也

癸卯初度自五羊之曹溪舟中作

今朝五十八明日五十九未來不可思過去何所有世相空裏花毀譽鏡中醜不推羊鹿車喜隨牛馬走自媿膝穿蘆却怪肘生柳髮散少冠束面厚多塵垢戰退生

死軍打碎無明白使盡老婆心笑破虛空口兩岸既不
容中流非所守來往任風波去住絕借耦天際望長安
寒空一回首回首問時人誰是儂家友

遊浮渡歌

空中一鳥鎖青霞宛如香海浮蓮花岩龕石竇花簇蕊
又如帝網珠交加我來遙登華藏界一開雙眼無遮礙
周圍行樹影重重分明炳若瓶中芥橫空殿閣雲中影
恣身不動青山穩飛來花氣暗香浮習習侵人重衲冷
曳杖撥開岩中霧怪石崢嶸若綦布指點還如數刻星
一噴青天灑飛唾石門磴道一線通側身半壁足不重
猿行鳥度亦不易何如使我筋力窮扳蘿直上妙高頂

音耶屋形卷六十三
眼底湖光霞布錦
足未離地身合空
回看亦似冰壺影
小轉還過會聖岩
雲廊石室何奇哉
遠老因基善說法
黑白未兆令人猜
渡溪西上蓮花石
朶朶金蓮從地出
徘徊不見花中人
但聽松風廣長舌
回禮金谷丈六身
虛明無地容纖塵
劫火洞然此不壞
始信蒼崖是本真
我欲誅茅依石室
餘生借此藏踪跡
倘得安眠白日高
身心世界都拋擲
如何捨此從他去
一葉浮空總是寓
不若快便早歸來
休教猿鶴長相憶
華藏從來是故宅
行盡十方出不得
潛身頓入一微塵
何人于此知消息

山中居

髮不如心白形還似木枯
衆緣閒處盡一念看來孤
天

已容疎拙禪應離
有無餘生當落日
步步是歸途
不

舟行

湘水通巴漢孤帆入楚天
片雲低遠樹晴日照斜川
處世常如寄浮生莫問年
縱遵歸去路亦似渡頭船

抵廣州寓海珠寺

天涯歷盡尚遐征
百粵風烟不計程
涉險始知塵海濶
道窮轉見死生輕
暫依水月光明住
偶向琉璃寶地行
到岫舟航今已棄
上方鐘鼓爲誰鳴

寄浮山澹居鎧公

浮山九帶事如何
回首當年已爛柯
爲問夜深趺坐處
白雲明月是誰多

釋法鏡

字澹居長洲趙氏子紫栢可公之法嗣也住持浮山之會聖嵩曾主華嚴寺法席道望隆

重詩詞書法皆傾一時示寂于雙徑門人清

醉翁岩

靈芝石下路難通逕轉峯頭憶醉翁豈謂醉翁岩寂寞

更聞雞犬在其中

天釋本智

字朗目雲南人其地有朗目山因以為號徧

邑之浮山見遠祖道場久圯與吳觀我宮論阮澹

宇太守倡議興復檀施雲涌頓成寶坊萬曆中勅

賜藏經永鎮祖庭公卿雲遊五臺甲辰再至燕中

寶塔寺乙巳冬寓廣慈菴為眾講楞嚴經甫第二

卷一日以書辭丘太史禾實丘甚疑之三日後過

訪公以閉目示寂端坐如生遂茶毘塔于浮山

坐木蓮閣

小閣千崑下幽棲一病禪燈懸天上丹茶煮谷中泉石

潤岩飛瀑林昏樹吐烟有人來問法惟指木開蓮

憶答歐陽子來叅遠祖禪收枰談實相豎拂了重玄窈

竟形名外單傳黑白前至今跌坐處枯石長金蓮

浮山解制

千日禪關解制時秋風吹動紫伽黎白雲片片橫金谷

流水潺潺下石溪錫杖竟飛天柱北鉢囊爭出石門西

因緣聚散初何著獨向寒山樹影棲

三十護勅藏歸浮山

紫泥飛上妙高峰水石山雲寂照中三十六崑沾化雨
百千萬劫吼仁風木人來問三生訣石女親承九帶宗

世出世間無異法只教心與太虛同

蓮花石高如木石山雲空照中三十六崑崙山雨

三十六崑崙今又別蓮花一日幾經行道人去住原無著

為憶天池夜月明

釋佛光

字慈照新安人臺山月川之嗣朗公勅染之孫也萬曆甲寅夏掃朗公塔于浮渡妙高峯

吳太史客卿司馬本如請主五印寺晚年以百金入浮山華嚴寺為歲輸賦入之資未幾遷化其徒

覺成塔于寺莊之後所著石林水居詩一卷

亂後歸浮山草堂

至今猶坐與計百鍊金鼓

且喜干戈息雲門返客舟青山仍在眼白髮未盈頭風

月供新偈烟霞守故丘籬邊松與菊猶為草堂留

垂虹井有樹土因有人來問去却飲不問數

千尋裂石罅迸出流泉冷菴廢綠蘿凋

井前有綠蘿菴渴虹垂

下飲無茶以應前齋粥熟以掛瓶瓶不致每羹不里法

釋行岡

字千仞楚中名家子少隸諸生以秦寇之難

五祖拈椎豎拂有一代龍門之風因掃遠祖塔至

浮山遂主華嚴法席據室云未開雙眼誰敢當軒

死却偷心方許入室然雖如是更須勘過始得詳

載語錄中曾有重修華嚴序欲振起圓鑑宗風與

姚休那居士為方外交甚善後復歸五祖吾鄉聖

安省禪師亦其嗣法龍象也予族叔秀三名瑜芝

者年二十已婚冠矣一旦徒步謁五祖腰

包杖錫從公受具戒非聞風而與者與

九日懷友

兩度逢重九偏君不在家去年頭未禿此日帽尤斜是

處雁烽火何心問菊花故鄉已愁絕况復走天涯

金山真不許晴窗點點風吹入

到來山寺裏不復記寒溫瓜潤風烟介波濤晝夜奔三
秋淹越客千里見荆門天下滔滔日中流一柱存

此去欲何之叢林有一枝藏身兵燹日投足水雲時莫
厭儒無術甘同我不辭消磨俠烈氣木樵與軍持

示居士

淨名終假相示跡滯毘耶病是衆生病家非居士家磨
磚難作鏡種粟反成麻心境俱忘處長宗一雁斜

和文光法師挂瓢半塘寺

生平無奈此瓢何齋罷應須挂薜蘿不逐孤雲千里去
且同流水半塘過心頭自覺無些子肩上如今輕許多

樹有松花池有菱免將口腹累檀那

淮陰雪中過通源寺訪萬年少先寄至拙上座

淮水東頭叩夜禪此身來往意飄然玉禾疑是我天上
金粟分明現寺邊古路竟封三日雪故人只隔一林烟
待君爲我開方丈不是山陰訪戴船

同何無咎遊江心寺

不妨喚作小蓬萊懷抱欣然到此開萬里潮方將塔撼
兩邊山欲渡江來忽增陸地浮沉感因想中流砥柱才
好向海天窺彼岫與君更上一層臺

示小菴

拂衣不使染紅塵三十年來出世身開士曾爲名下士

道人原是讀書人法從白馬經中悟心與黃金座上親
此日既承子記剝圓八三點越尖新

與宿松下院月珠和尚一會臺

十里鐘聲覺路賒微分蓮漏滴平沙上堂自任新靈隱
下院重開小泐華月印長川珠吐蚌松凝宿露石生霞
高樓莫厭無酬和時聽樵歌送晚鴉

寒夜同友宿育王寺

嶺松凍色轉蒼蒼老至重來禮育王客暮但聞僧梵唄
童時曾見佛毫光芒鞵踏碎寒山月竹杖敲殘曉院霜
一夢恰如過一世與君商略覓津梁

釋大艤

一名元來學者稱無異和尚舒城沙氏子生而白衣重包葦酒不入口十六遊金陵聞法

華于雪浪恩公遂禮五臺祝髮于靜菴通公得泐
于至昌老人二十八居信川博山之能仁寺六和
于至四事雲與博山宗風烜赫義林才辨聞望傾
于一時天啓丁卯聞父訃奔舒城取道吾鄉蓋簪
盈缶實蕃有徒予小子年方髫髻親受摩頂之記
惜稚齒無知不能入其鉗錘師慈容淨滿道骨堅
凝眉采燁然春秋在額法筵清衆不肅而嚴刈麥
負薪無不人人委蛇詳叙若有深湛之思者行業
具宗一先生塔銘中子摺撫師詩不可得方子素
伯從錫類法檀中摺得十餘篇皆慈社贈畬之作
也嗚呼師豈
以詩重哉

次韵答謝中隱居士

錫飛桐子國皈向意紛然不染三乘教寧參五味禪經
行稽古道趺坐聽鳴泉笑徹清涼夜相逢話月圓

釣魚臺度歲

臘盡纔聞訃孤舟趁夜回澄沙無鳥跡溪樹有猿哀江

音耶風雅卷之三
所何時到家庭少客來思親兩行淚先落釣魚臺

雪夜哭父

晉世尊為父金棺扶襯涅槃時諸天血淚如雨
大權示現不斷世緣戒經云孝名為戒亦名制

止慟哭深思非情想所及因書哭父偈示諸從

行者

親墳在咫尺何事苦羈留夜雪飄無歇寒雞叫不休悲
思驚坐寢血淚染溪流天憫緇衣孝青山盡白頭

舒城渡河

河下白如練烟雲照淺流近城禽解語抵舍客生愁骨
肉無青眼兒童半白頭荒郊高纍纍盡是故人丘

過水松方丈

水勢穿山谷松聲落澗泉凭欄占雨候正值杏花天

舟次梅溪

水澗如舟小雲深見樹低掀篷問渡子說是小梅溪

謝吳石生居士

會晤須臾與道交泥途百里不辭勞將何人事酬君去

獨有歸家路一條

釋元亮

字清隱河南鄆城崔氏子三歲出家于里之

普濟寺既而參學諸方慕紫栢老人之風徑
造浮山見澹居鎧公而皈心焉深究大乘卓然有
得還鄆省親開講廣教寺天啟辛酉鎧公世壽六
十特來浮山祝之慕壽昌經和尚開田說法為本
分鉗鎚遂于石龍峰左就地高下畝墾數畝博山
老人別浮山公送至皖上博語諸君子曰老僧去
後欲了此事者當知四卷楞伽在清公處厥後公

音耳居牙卷之三
名益著一日忽示微疾傷云逢場一事正商量拂
枕秋風一夜涼紅葉更從霜借色清泉好為月儲
光臨川魯叟寧知老藏經莊生不是狂了了乾坤
雙眼在鏡中花發木樨香又自撰塔疏集眾辭行
眾問曰師此行後何處相見曰逆水定香
侵案濕雨花應供石牀平向空一擲而逝

吳蓮舟居士雨中見寄依韻奉和

妙高峰頂白雲深流水桃花滿碧岑拄杖有無誰與奪
空拳破雨好追尋

釋戒顯

字願雲號晦山族姓吳門王氏本先朝明經
少與吳太史梅村同學甲申後薙髮出家于

玉峰之海藏為靈隱具德禮公嗣法弟子公嘗語
之曰綱宗者人能講我能用先師當日鉗錘晚年
始獲其益此即我三峯家法也其接引直截如此
曾住黃梅四祖又挂錫匡廬道經浮山流連不忍
去有別金
谷岩詩

別金谷巖

浮渡名崑金谷傳崑中石壁滿金仙當頭突起碑無字
滴水飛來甕有天樓瞰千峰青嶂鎖關通一竇紫霞懸
出門纔揖塵中去又向漁磯覓去船

釋慧琛

字魯南自稱西蜀趙氏子與槃菴熊魚山同
門投分最深皆嗣法於靈崑繼起諸禪師人

以為雪菴和尚之流公終不自言何許人也因禮
投子遂主崇福祖庭八載復振慧燈宗風著有語
錄一卷程奉常立菴為序其首後入南泉示寂建
塔獅山臨行屬侍者以衲衣拂子寄息心居士云

洞天深處

在王屋崇福寺西澗

洞口流雲濕烟花接翠微參差藏怪石縹緲映斜暉懸
瀑傾松頂鳴禽繞竹飛悠然尋樂處誤入竟忘歸

酬趙以贊居士

時往靈崑省觀老人方歸

多年淪世路幽夢到天涯短杖親師日溪山舊士家倩

帝尋宿鳥過樹看飛花遙憶溪邊月輕舸歸路賒

禮浮山遠祖塔

多年棋局未曾終此日看山到此中舉手不辭三拜竟
識心猶賴幾人同岩深無隙投新月洞冷當門拂曉風
策杖且隨流水去漸看蒼翠濕空濛

丙戌春侍本師儲老人南還兵阻平江老人以蠻

奴赤脚上皇州之句命成一絕

蠻奴赤脚上皇州暮雨酸風大地秋古廟裏頭回避得

一身還有一身愁

謝水朱能及居士七十

大道由來絕古今殷勤何必問從心野情豈效華封祝

指出南山最上岑

浴佛日趙以贊四十步韵

梅子青青接暮春碧池搖影笑相親一年一度花開日

七步周行試此身

釋道盛

字覺浪別號杖人閩浦張氏子戒秉博山法

白門來會聖岩禮遠祖塔時方觀察蛟峰欲請主

浮山法席會白雲岩有揭竿起者冠且至四眾誠

散公晏然端坐笑而遣之不獨名山祖庭旛幢無

恙環山村舍亦安耕芸公之賜也小龍山中方寺

迎請應浴佛之期猶有再來重興之約後十年其

門人藥地智公自青原諾浮渡之請非再來之徵

耶公行業詳劉黃門良弼所撰塔銘中其徒竺菴

音耶風牙卷之三
山水有奇姿幽貞夙自負亦時懷隱憂未獲良人晤我
憐窈窕情惻然返故步初見恍夢思如怨復如慕溪感
白頭吟素琴猶在御一撫心爲悲再撫心爲悟指月盟
寒潭佳期勿再悞

與方爾止紀伯紫唐髯孫諸子夜坐尚論古今忽
及方子留少年英烈創感于懷賦此

人如比干心可剖心如比干人可友泰伯文王尼父取
舜子丹朱誰下手文字知見怪掣肘癡忠愚孝視敝帚
試問于今還有否驀然叫出方子某驚起杖人只搔首

張興公六十拈此示之

在簪嘗高陶靖節退身一步真人傑門栽五柳自依依
乞食不愧言辭拙如今想慕無其人喜君學道能安貧
甘老丘園課耕讀自呼六十葛天民

山事二首

十年隨一杖所至草離離樹是團蕉屋石爲無字碑此
中休夢語別路有誰知兩袖乘雲起飛花點墨池
小窻收鬢鬣古澗送潺湲苦竹常留徑高松自護關眼
惟憐白紙天只許青山出沒浮雲態容予坐看閒

懷浮山遠祖

尚論宗門奇特事輒於遠祖不勝情五絲將絕誰兼命
二桂中興獨主盟葉縣盤根千古峭太陽翻茂兩眉清
兒孫碌碌盈寰宇幾識浮山脚下行

博山老叅往桐城候何芝岳相國吳觀我太史

博山雷雨過龍眠潘窟騰空總電鞭瓔珞光中垂兩手

雷震洞裏只孤拳浮丘金鳳飛還息投子青鷹夢自圓

赤脚油餅相見笑千秋一帶與誰傳

南屏懷古似左三山侍御雲笈游谷千坐香閣

重振孤筇入武林湖山影影照人溪南屏一帶春風起

吹我蒼茫弔古心

浮山嚴公來

青鷹收翼入人懷赤脚桐城特地來話到指天金谷下

棋盤石為掃蒼苔

皖桐王以介太史過訪

歐公曾試浮山遠棋局拈來別有禪今日儼然相晤對

當機一著請君先

山遊次夏生韵示竹關無可

神烈山前剩幾松冰霜有路護茅蓬竹關枕子墮地否

濺血漫天感此風

釋如清

字石浪族姓陝西城固顧氏子七歲謁際虛和上祝髮紫栢山九歲依梅谷和上研摩內

典十九入都徧參講席雪浪月川高源諸老人以法器期之二十五受其于古心律師喜修禪觀嘗

又訪博山謁壽昌遊峩嶺登瓦屋提杖參方幾半

天下晚乃歸憩慈雲應檀施張方伯之請結宇梅

檀以崇禎庚午仲春示寂塔于梅檀錦峰之左世

壽五十三僧臘四十六有枯木吟幻關草博山老

嘗謂慶陽學杜其悲壯處猶有車轆鐵之遺公

秦人也何其嗜嗜離離似吾桐音其寶月清畫之

音耶風雅卷之三
後身乎公順世已五十年予采詩榆社據及緇黃
其孫擴慈禪公出其遺篇繕寫精好新如未觸且
縮其伊蒲之饌用供殺青又屬予點定全
集將缺專稿以行世法中未易多得也

宿彭澤縣懷陶淵明先生

維舟彭澤岼遙懷靖節風詩書自娛樂微官糟粕同永
辭五斗祿歸卧柴桑中豈知利名貴惟虞尊酒空或飲
栗里間或醉籬菊叢門前種五柳隣多素心翁相與話
桑麻歡笑忘其窮誰是知音者東林一遠公

坐桂花下寄成都離微兄

桂影婆娑大如斗落花滿地莓苔厚香風吹月上花梢
月照花神開笑口忽憶成都關主師未知近狀能佳否
別後音塵十載餘我意問花花不吐欲折一枝贈遠人

水遠山長不耐久摘花和墨寫新詩寄與竹林蓮社友
一年一度見花開百斛離愁掃復來安得雲中飛錫至
與君共笑桂花臺

信州江行

好山連不斷江路轉迢遙曉霧半帆雨秋雲一澗潮高
樟藏野寺古柏隱危橋慣得遨遊趣孤身未寂寥

匡廬雜咏

逕隨流水入門向衆峰開亂竹排雲上一聲幽鳥來繙
經花影動鳴磬鶴飛回招隱泉非遠携鐺就綠苔

不寐

夜長清不寐擁衲坐焚香霜氣肅羣動燈光冷一房秋

虫鳴古砌疎月下寒塘遙憶山中侶藤蘿覆石牀

憶廬上舊居

出戶見層峰悠然憶舊蹤門應荒草谷路是白雲封霜
落初收稻天寒未種松塵紛不可住歸去學降龍

賦得白雲多在山

本是無拘物如何意不閒暫隨龍出岫又逐鶴飛還靜
宿池邊樹閒依戶外山知予多寂寞夜夜伴柴關

留別知己

蘭若西山靜安禪不記春言辭同席友歸覲倚門親沔
水元通楚江帆望入秦縱然重聚首俱是白頭人

霧中山宿見宗老人房

信宿雲中寺欄干薄暮凭因尋功德水得訪薜蘿僧下
榻千峰雪懸燈一澗水石楠花樹上山月影層層

憶舊遊

西川饒勝槩瓦屋與峩山奇妙甲天下高寒出世間僧
居雲霧窟人訪雪花關曾記攜詩句峯頭對月刪

謝中隱居士雨後見過

山寺雨初霽詞宗著屐過雙塘春草合一逕暮烟多芳
樹徧崑谷寒泉挂薜蘿竹房懸半榻留待老維摩

送姚純甫居士由浙之閩訪兄心甫明府

山水有知己忻君快意行趁潮逢夏爽得句愛江清帆
影懸吳越琴堂憶弟兄荔枝逢到日飽食話離情

龍耳風雅卷之三
過劉白林居士小山

幽尋得此地不與世人通
盡攬千峰色都收一戶中
風搖藤壁亂花逗嶺雲紅
小坐消塵想彌知君念空

新秋酬汪克下居士

好雨灑新秋乾坤暑氣收
雲依山谷動溪抱石塘流
作賦看司馬談經憶惠休
匡廬蓮社近吾意一瓢遊

酬劉大理燕及先生

遺民歸社早支遁尚耽吟
偶爾一交臂永懷千古心
春花連雨發紫蕨入林尋
脫粟黃齏供何妨亦抱琴

題楊蘭似居士書堂兼示倪君夷茂才

楊子愛禪棲書堂傍
虎溪龕燈分佛火
林吹送仙雞床

下泉聲響松梢月影低
詩情兼梵咏踏徧數峯西

春日贈能止兄

一鉢辭岷水長年未得歸
禪詩貧後進鄉夢定中違
蘿薜裁春服雲泉暢道機
夜涼羣籟靜山月映柴扉

早春送印弟過九華訪青蓮社友

春澗冰初泮芒屨別玉屏
渡江一水白到岼九華
青秋浦雨中過寒潮月下聽
芙蓉多舊識杖笠莫辭經

別岷嶽弟

纔辭巫峽險又進劍門程
只是添愁思那能增道情
荒烟迷野戍大雪擁山城
行盡褒斜谷應知白髮生

東謝中隱居士

出郭山根五里遙錦雲峯對矮松寮千章古木圍溪口
一道寒流鎖石橋眼倦拋除文字障心閒贏得酒杯消
幾回掃徑茶瓜熟爲愛清言破寂寥

自博山回東諸知己

博山叅罷趁寒歸幾度懷人在翠微江雨半帆懸客夢
溪光數畝染僧衣雛僧掃石和雲動倦身投林帶雪飛
自是名心都歇盡錦峯深處掩柴扉

送岷嶽師弟習靜江南

江南名勝多奇絕九子齊山可卜居臨壑有堦須種竹
傍湖構閣好收書天台雨過諸峯淨秋浦霜歸萬木疎
若向翠微亭畔望試尋山谷字何如

冬夜書懷

木落猿啼霜滿空露華寒浸梵王宮百般幽事來心上
幾處名山入夢中樹影靜依蘿薜引泉聲遙與石龕通
應知此夕懷人處月照松堂萬壑風

思鄉

一度春風一倍愁思鄉無日不登樓愁心欲寄襄江水
不肯回頭西北流

方赤城先生來遊匡廬覓予時予居金輪峯不果

寄陸春一晤賦此寄之

瀑布金輪景更奇美人何事不攀躋自慚住處雲峰冷
拄杖無緣伴虎溪

張欽之梨園

十里松聲爽客心
蘿門窈窕碧沉沉
殷勤預與梨花約
待到春來月下尋

送剡水公賈錫類泐檀上博山午試金碑舉不

兩岸霜林映水紅
法檀穩載碧流中
秋山似識曾遊客

齊立江頭送剡公
思無日不空
對公為寄寒山

答客問小徒到家消息

瓢笠星霜三月周
計程應到錦江頭
縱教雨雪羈行李

不在嘉州在簡州
懋景精神蘇軾
泉壺遊與石

釋海珍

字與疎舒城羅氏子
年二十刺染于大羅菴
郭北延律師祖西印公
結方外交印公戒律精嚴

單提念佛以攝禪淨
邑屋中緇素傾慕法施雲湧

高足首推克賢次則與疎崇禎未菴火于賊借師

弟屈遠竄公湖遊三吳
參訪耆宿順治初返鷹阿

就其田廬以興復為已任不數年殿宇告成弘敞

鉅麗視昔有加公與竄公之力也
公專修淨土晝

夜可四五萬聲行業專勤風規溫雅里人無知與

不知皆為公屈第一指康熙癸丑
除日示微疾沐

浴而逝所著有鷹峰散話予為詩挽之有云龕室

在時常入定佛聲寂後尚如聞
蓋實錄也世壽六

十有九僧夏亦幾五十塔于大羅菴之西一時古

鏡有寂弘字窮崖者與公兄弟
善公嘗誦其秀句

如梅花云流香出古洞和月照柴關恐教春草見

預向冷泉開澹月霜中洗疎烟
石上籠曉含江日

笑晚逐笛聲涼雁字云一片錦心藏萬古幾回霜

翻掃孤峰四海坑儒因獨免
何人把筆再刪書數

行整似連珠體一陣斜如指日戈雪夜云翻疑林

下春催到只道窓前月曬來
皆賦物之雅奏也或

以其出于青衣也而少之不知吾鄉青衣能詩者

頗多如桂林馮來子之月來梳
石影風過縹溪痕

臨池徒乞米彈鋏不歌魚妻風敲瓦背孤月到床

頭楊柳欲花堤影白芟荷得
葉水痕青夜當涼後

纔就酒月到明時却戀秋家貧未畢兒婚願道阻

難尋父骨歸延陵孫肇先之
霜草無人跡枯枝有

雀巢亂烟縈柳絮細雨落桃花寒江帆影落古戍
角聲高沙田留鹿跡烟樹隱鳥窠三湘柳色空迎
眼二月梅花未寄家兩度桃花千樹滿百年耆舊
幾人存廣陵蔣慧士之窺窻微月影覆屋老桐陰
鳥語一時歌鐘聲數里聞選樹鶯啼如喚友浴溪
鷗夢解參禪病倚孤燈為老伴身如落葉逐輕塵
黃金結客交難薄白髮驚人老未歸或清雋或輕
妍俱有鑪鞫豈呻吟左氏解讀靈光其漸摩者素
與吾家蒼頭師善者年垂七十亦知詩今日且長
齋持誦飯心禪悅而惜乎予之不及穎士也

夜坐

坐看秋夜月風動衲衣寒雲隱山光淨臺空鳥跡殘心

閒名利薄事少夢魂安遙想彌陀院情淡法喜餐

登投子山和韵

尋幽趨勝地芳草帶春寒曲徑雲埋久祇園鹿占寬鐘

聲前代蹟檀板俗人彈先哲歸何處遺踪淚眼看

過三慧菴訪古達師拈翠旭韵

綠樹參新竹茅菴舊隱家有池堪映月無地不栽花刻

石先為座開山已種茶劇談時易久窻影日西斜

山居雜咏

一寓鴈阿已十年眼前木石盡皆禪消閒曳杖行松徑

解渴攜盃汲澗泉掣斷玄關堪脫屣吸乾香海可栽蓮

年來行脚根機劣說法何須豎大拳

重過海會菴訪慈石禪師

芒屨不怯路行難重破雲關躡碧巒登嶺衣霑朝露濕

渡溪足踏夜泉寒凌空松竹增新翠彈指樓臺勝舊觀

話久頓忘更漏永頻添薪火足盤桓

次晒大師韵

細縫雲衲禦寒霜懶與隣家較短長風捲秋堦桐葉冷
月明茅屋老梅香閒常倒屣迎佳士貧不將詩謁貴郎
無限清幽消未盡名場蝸角任人忙

悶雨東蜀藻居士

春花失意也堪悲每恨風敲雨打時茅屋破愁禪榻冷
竹簾輕怕佛燈危一條白瀑雲遮練數朶青峯翠斂眉
鐺底縱餘三合粟生柴旋斫午炊遲

悼汪海度居士

撥草瞻風事正濃誰堪遽隱入雲峰緇衣也灑青山淚
門徑空餘碧蘚封

奉和蓮池和尚多姿婆韵

月到幽居趣更多竹窻斜照影婆娑謾言古道青烟合
勘破雲山指路婆

釋本正

字曹水西蜀之瓦屋山人也為石浪清公上首禪定之餘旁通儒典肆力詞章有清公風

聞蟬

天朗暢新晴春山蟬忽鳴予心渾不覺客意若為驚花
暗聲逾切風迴響更清微依松竹下如助苦吟情

山夜

涼宵羣籟寂事事愜幽情竹影搖窗淨松梢挂月明鵲
來林有伴犬靜夜無聲徙倚孤燈下吟詩一倍清

秋日歸梅檀林

入郭情偏倦歸林興轉幽亂山黃葉落一逕碧溪流古
木寒鴉集新霜淡日收千峯頻到榻坐看野雲遊

薄暮喜虎子見過
淡日落谿口薰風送竹涼晚烟迷野岫好友到閒房纖
月挂林杪微虫鳴夜廊高踪欣邂逅益助我詩狂

重陽期張堯仙居士見過雨阻有懷

掃徑迎君晝已昏層層夕霧蔽柴門窺窻但見秋花笑
獨坐空聞流水喧隔嶺猿聲啼暮雨隣家砧響咽空邨
相思又聽西風起黃菊叢中何處尊

釋音可

字元白楚武岡鄧氏子年二十謁顯愚衡公
遂祝髮學圓通法門叅訪博山湛然慈山雪
嶠諸老二十四謁天童密公多所咨扣指柱大汰
頗為同參所忌遂辭去過江陰黃介子請開堂豎

拂嗣溯江右恢復泐潭祖庭金碧輝煌法道烜赫
乃來浮山掃遠祖塔闔邑衿袞請弘法慧山二十
餘年佛刹僧寮煥然重新居無何挈院事付十洲
禪師退休舒城萃蓋山紺宇落成復應撫軍張公
之請住錫郡城之清涼菴撰集圓通廣懺六十卷
板行于世一日示微疾委順而化弟子奉全身塔
于濤之天柱世壽七十六僧臘五十六所著語錄
若干卷公道行超卓詞致非其所長其次栴堂禪
師山居詩有可採者五印古槐懷公吾邑人也曾
開講章江之嗟峨山亦有次栴堂山居詩如落花
滿徑和烟掃舊茗生塵起雪烹插棘編籬遮夏笋
開池引水灌春花清影半龕孤月照潮音一派萬
松號看圓新月看殘月聽罷晴鳩聽雨鳩折脚瓦
鐺時煮茗尖頭茆屋晝焚香悵裏不知頭似雪靜
中始覺日如年若與靈一處默相遇詎復多讓蓋
吾邑騷雅之盛即緇流中亦不可勝數因思天崇
之交未罹兵火設有注念斯文者早為收
輯勒成一書不可謂非枌榆之幸也惜哉

次栴堂禪師山居韵三首

清閒偶爾問兒曹野馬塵埃作底勞一點古今天下雨

大千世界海浮毛碧池霧起龍方躍寒竇風生虎便號
未許聲名向門外山居何事更增高
紫芋黃精種幾叢了無紅粟累人春床頭落枕能驅夢
鉢裏生雲不呪龍風起天浮清漢水土肥地養翠濤松
看來仍是閒家具何必蒲牢更吼鐘
却憶雲遊在路途曾將無隱問樵夫珠穿九曲蟻何智
字啞千行蠹不愚怒髮原非爭玉璽傾家祇爲賭珊瑚
從來得失都成屨夢幻虛名未可圖

東趙以贊居士

陣陣香風掃玉蘭秋光照落一輪寒衣珠未得人收拾
且把心王獨自看

龍眠風雅卷六十四目錄

木厓潘 江蜀藻輯

豫章釋興斧山足

同里釋智操寒松 叅

衲子

釋明雪 七首

釋淨燈 八首

釋存省 十九首

釋大寧 五十六首

釋弘智 七十七首

龍眠風雅卷六十四

木厓潘 江蜀藻輯

衲子

以下係邑人

釋明雪

字瑞白入就別號也樅陽楊氏子事母卓以

西倩師令持毘舍浮半偈偶聽楞嚴忽悟身世空

花渴慕向上聞湛然澄公大闡宗風於雲門遂往

從焉每有咨扣澄公輒笑而領之欲有所付不受

天啓丙寅秋復以衣拂授之始不敢辭未幾澄公

順世衆請繼席崇禎庚午夏將之終南道經吳興

為弁山僧遮道留王龍華法座緇衲如雲道風弘

弁山七年梵刹一新丙子欲遂終南初志又為黑
風所阻挂錫崆峒山吳興諸宰官趣歸弁山不果
適有幣聘王洪都百丈山者勉強往赴以辛巳三
月十九日示疾說偈吉祥而逝世壽五十八僧臘
三十八塔全身于弁山龍華寺吳宗一先生云吾
邑之有弁山猶龍舒之有博山此非尋常定知地
湧菩薩不忌慈誓以佛知見為我等留影是邦其

音耶屋牙卷六十四
推服者至矣公行錄詳余中丞蟄庵所作塔銘中所著有語錄並闢叛十餘卷異方便一卷九坐道場得法者三十餘人法席隆重烜赫東南嗚呼可謂盛已

遊桃源洞

昔年懷此勝今日始親來
劉阮仙何在胡麻跡未灰
曉花迎日媚野鳥帶雲回
徑轉情猶適還親石上苔

尋路

與來曳杖行信步入荒草
問取採樵人皆云此路好

宿梅檀林

林中無異木純是梅檀繞一宿
此林中時覺香風好

德山托鉢

木偶何曾喚得醒牽絲徒作幾般聲
不如收起優棚好

對月空庭談更清

遊雲棲五雲峰

循溪直上五雲峰絕頂渾如霄漢中
綠水青山環滿目何須更羨梵王宮

咏雪

冽冽寒威遍界周六花飄蕩滿空浮
乾坤今日一時老處處青山盡白頭

青石塢山居

榮辱無干樂有餘瓢囊高挂隱山墟
茅庵結在窮幽谷野鹿閒雲伴我居

釋淨燈

字破闍號容菴又號棘園邑人汪氏子初習儒旋禮博山無異和尚薙染受具梵行精嚴

楷柱末流法門推為義虎禪定之餘旁通儒學嘗
提唱良知宗旨與餘姚相發明後嗣法弁山瑞老
人居第十三座順治庚寅鄉衮方仁植中丞孫魯
山司馬汪坤生明經齋書幣迎請于華山中方寺
開堂說法所著有語錄十卷詩文五卷楞嚴律部
南華諸解及大學續語中庸截流諸集公住道場
凡十三法嗣凡二十八講席之盛亦近今所
僅見以順治己亥秋示寂塔全身于三祖山

病中書懷寄一句法姪

久病碧山貧時思午後臥松風枕畔鳴梅雨簷前啣歷
落珠千斛浮沉月一個蕭蕭幻影殊此曲如何和

三山舟中別吳朗函廣文

遠岸垂楊綠荒林落日斜相逢烟雨濶惜別海雲賒旅
邸悲春寂書齋放早衙君今揮手去無復問官家

壬辰秋底自桐城來弁山禮先老人窳堵寓草庵

塔院夜坐有懷

冰花三兩樹霜葉幾千枝鳥宿簷前月雲來洗鉢池

留雪

昨夜來時興不同如何今日便西東留君暫且中原住
免得征鴻暖曉鐘

避風

嚼雪應知冰是寒趨風爭似避風安閒來每讀陶潛賦
坐對南山不忍看

寄林樵

自古梅花臘月開隴頭消息帶春來今年不見江南客
莫是江南梅少栽

編籬

編籬不是趁雲飛每為莓苔失粉衣多插桑條少插柳
免教明月逗晴暉

再遊虎丘題劍池

最喜逢人說虎丘劍池峰冷紫雲浮峭崖陡壁芙蓉面
雨洗寒濤石點頭

釋存省

字聖安自號人山道者邑中許楊氏子幼讀
書應童子試婚娶後一夕月下閒行見道旁
古井默計曰入世滋味不過如此盍早覓回頭解
脫生死乎遂躍入少選身自浮而上從者訝其故
公笑曰偶然耳年十七卧塾中夢白髮老人持大
文簿至一頁可十餘行字畫微細中有鹽關二字
老人指之曰此汝八字至此便好又夢老人捧大
梓盛煮熟僧頭眉目口鼻悉具忽驚寤時秦冠蟠
踞山中公曰吾不生矣果被執旋釋之遂棄家潛
行祝髮于空徹和上廿四隨具德禮公至揚州頓

有省發適符鹽關之夢一耆宿謂之曰汝是熟和
尚他日為僧之首又何疑在靈隱已為具老人所
器待偶遊廬山遂為磐石入室弟子公素善病受
東山付後開堂于贛州靜聖吉安聳福復歸桐隱
居深雲禪院與州司馬趙子湛齋往還印證以拂
子手卷授之康熙丙辰首春方禮佛名經畢忽示
微疾于所善緇素悉作偈記蒞沐浴浴更衣端坐而
逝其門人海願輩奉全身塔于深雲所著語錄二
卷趙子為之刊以行世
而予與越樓陳子序之

冬日

孤坐擁衾惟東方白上眉風淒鳴鳥少霜重曉烟遲平
野羅丹樹陽崖放紫枝遙思無褐者曝背亦熙熙

陶谷

昔喚陶家谷今開衲子扉山清無盜入雲密有僧歸夜
梵停猿泣晨鐘飯虎饑桑門神化遠含識盡依依

鶴鶴

不曾卑枳棘豈復羨椒蘭色淺心常下形微求易完
鷗猶俄翼過弋亦真羅看衆鳥多憂畏誰如爾最安

感歎吟

幼齡亦敏誦祇欲博浮榮未展青雲步俄遭白刃驚
熱中渾底冷暗裏當時明幸爾頭顱在因堅出世情

自咏

老來懶復下幽岑古德芳規尚可尋閒坐每修無縫塔
開懷時弄沒絃琴匣中皓月光華滿屋裏揚州花木深
自信世間知己少風流原不在簪纓

咏茶

青青不畏雪和霜摘葉裁枝認不妨烈焰場中收氣色
清泉浪裏展旗槍味回那見當初苦性潔偏留久後香
若遇睡魔來作祟儘教一椀便生涼

喜雨

風吹西嶺千條雨到我幽林一夜涼閉戶惟聞蕉葉響
開門忽覺豆花香蛙從墻外池邊噪蟹向堦前石底藏
野老隔溪招手喚水消烹茗待君嘗

影

暗裏相隨猶未覺明中回顧始知親短長大小雖成假
坐立閒忙却似真辨色最宜臨水鏡開言認不涉聲塵
四方上下無拘束百歲殷勤伴此身

音韻原形卷之四
武林飛來峰

靈鷲異群山千峰滴翠顏何年飛至此切莫又飛還

咏古

司馬琴挑意文君夜遁心可知身未老便有白頭吟

繡毬花

天上仙人打玉毬輓來多少碧枝頭山僧懶費閒心力
坐看清風踢不休

古松

根托名山斤斧無和寒暑雨色仍敷青枝猶在秦何在
笑爾封渠作大夫

古硯石

奇峰爲筆石爲硯池水烟籠噴墨香萬象森羅皆是字
寫成今古大文章

講經臺

高士曾茲宣貝葉空餘臺石挂藤蘿莫言後代無人講
泉樹風雲口更多

洗月池

嫦娥似不耐高秋面上輕雲暗帶愁夜半偶經池裏浴
玉顏從此更風流

早梅

草木蕭蕭雪未休數枝新放暗香浮花中亦有真豪傑
地凍天寒也出頭

偶成

晚節榮華世所希
古人何事獨歔歔
重陽過後還登眺
箇箇青山著錦衣

偶咏

散步春風花灼灼
閒吟夜月草芊芊
空林密徑無人識
惟任山僧去復旋

對雪

六花一夜染瓊枝
小小青山白髮垂
屋裏年年飛不到
滿頭何故亦如斯

釋大寧

字石潮別號笠山雙溪傅氏子也崇禎末寇亂父母轉徙困苦不能自存十餘歲寄食隣庵披緇為僧日從事齋鐘粥鼓間未嘗知學也浪杖人掃塔浮渡過其庵呼與語器之錄為侍者時

年踰二十矣始令讀儒書上口較能闢誦若風記者聞杖人說法肌理解神悟頓超自是手不釋卷貫通內外典其所撰法語及世諦文字援筆立成距初識字時纔五稔耳與竹菴梅逢諸公受杖人記蒞主席天界寺緇素雲歸再應江右新城之請移錫福山宗風益振及棲霞竹公既寂而世遂以浪公滴乳首奉笠山矣康熙壬子秋方建佛殿子簫曲拈捃瘠瘁感微疾沐浴禮佛而終年四十餘所著卮稿莊我等書行世語錄數十卷歲福山予采方外諸公詩強半出山足斧公手授茲卮稿一帙則得自滌岑陳子者陳子又誦其見贈詩二首因併錄之

山中雜詩

竹門藤花開岑寂
自幽適孤倚松上雲
群奔澗中石著
我出世書刈我壠
西麥悠然獨往情
流泉亂阡陌落日
生涼風天香拂枕席

對松吟二首

老枝不苦青恥學尚顏色孤盤荒徑傍行者賴休息光
薄兩跳九空陰匪幽黑下視棟梁材委質受繩墨反喜
藤與蘿相附爲高直
秦皇最可笑強官青松枝豈知彼不受至今居山陲喪
却繁華兒耐盡寒風吹千秋只此物誰比凌雲姿我將
作古佛禮之忘歲時

輓石開瓊公同參

卯齋院裏別不覺十五年公死何郡縣行脚皆浪傳同
參子與我豈讓鼇山賢天地一古夢海嶽幾點烟秋使
暮雲瘦春將枯卉鮮此性已無本誰能知其然哭作招
魂詩交道賴以全拭淚望遠岫風神如在焉

寄方羽南

遙想冶塘人幽遁在空翠湖水映茅茨湖雲拂衣被烟
艇春風搖雁字秋天至案上一函開波際數鷗睡早晚
心神清鐘聲出山寺何時提杖來一了疇昔意

哭母

我昔念生死我母許別離倏忽廿五載一身無定期擬
參大事畢願學睦州師梅花屋初構接母恨太遲遣舟
未旬日我母遽棄遺溯流駕孤舟哀哀泣河湄旣無母
可奉徒有學佛兒佛登初利天度母展化儀我愧無神
足我母難追隨但依佛垂教七七瓊函披我母久念佛
心淨如蓮枝生天固不必西方願所宜母生極樂國見

佛承提持永坐寶華上勿爲兒愛移

張南村過山堂夜話次日同步萬松看梅

城南此山深客至慰幽寂天風吹夜寒奔濤半峰擊
坐傾淡懷素心竟難覓詰朝過翠岑看花博閒適雲際
空香來講堂隔松壁我返君遂留春雨滿林滴
昔天目大師來訪卽歸巢庵廿五薄一良無安
遠從江上來支杖向山寺相別遽十年各自行其志寄
託果何爲斯道尚獨至盤桓宜盡言此懷念深闕林外
孤鳥還松風動高吹篋笥出詩篇吟咏見宏遠峰陰夕
照翻爽色破空翠睥睨千古流感遇豈無事憐茲知己
情真誠不容易細大有所關淺近奚足異鬚髮共驚霜

坐臥起遐思暫晤今又歸片帆忽天際中山水

弘濟方丈題贈蒲菴和尚

大江橫脚下日夕波流奔空光渺無際孤帆來天根一
室層雲上雄踞敞高軒中有織蒲老事母如世尊清興
發長嘯聲與寒波翻此意自千古相對難具論明月夜
深出獨起窺巖門言限玉門

答訪魏惟度

一榻清涼山不知在城郭日夕多遐心超然脫糟粕春
風吹樹林春雲映江閣我來逢出遊空堂自花萼令子
語意殊留坐亦成樂只尺鳥龍潭隨步度丘壑

種豆歌

我昔開山自種豆，豆未萌芽草先透。日夕去草草青青，
草青豆苗出難秀。努力去草存豆苗，所去未盡又蕪蕪。
可憐豆苗不得長，蕪蕪之草隨風搖。豆苗豆苗知我苦，
青草青草何不腐。正喜晴光曬草根，草根未死復逢雨。

送陳坦山明府歸武陵歌

八月重尋松下來，言別江門舟。將開旅懷詩，草我初閱
名人序。跋皆雄才喜，君性情最超逸。三載金陵寓僧室，
遊興翩然隨。遇安奚囊唱和無虛日，老僧一榻隣半峰。
蠟屐詩瓢屢過從，高秋覓句送君返。長江兩岸開芙蓉，
芙蓉嬌艷傍秋水。直向洞庭霜曉裏，家山遠隔洞庭湖。
洞庭湖盡家可指，君家武陵卽桃源。此中山水稱絕倫，
只恐避秦人尚在。鷄鳴犬吠桃花根，桃花遠近皆烟邨。
歸家得失不足道，應將桃源山水重討論。

投贈藥地和尚

挂錫文殊草懸空，有薜蘿不容黃菜出。惟許白雲過，衍
易宗通佛譚莊。怪入魔驢殘蝴蝶，醒涼月向秋多。

雨花臺

細草沿山綠，春風徧酒壘。屐從今日問，花傍舊祠開。江
嶼人俱散，月明僧獨來。逍遙一曠覽，鐘磬起峰隈。

棲霞歸過藥師菴訪完樸兄

適逢春曉際，雙屐度江岑。入郭問香刹，到門聞磬音。山
房開逕曲，池水映堦深。日暮難言別，殷勤說此心。

梅花雜咏

漁家環水住花亦逐江開
赤听少人立青天獨鳥來
春心奚足問冬意莫相猜
爲此衝寒色常時坐釣臺

人聞人說山中佳處

深谷有人住山田隨力開
種茶依白石采藥破蒼苔
結屋樹相倚補衣雲共裁
一溪流水外唯見鳥飛來

牛首

烟開天闕迥絳屋滿青岑
石磴松根轉山樓磬響沉
春郊含落照幽徑適孤心
却憶黃梅老初從此地尋

壽遠峰琮子

吾子逢生日應思顧復人
出家存萬世學道報雙親
白

業根初熟青山宅永隣
何期冰雪裏窺見劫前春

送劉海門大叅之粵東

千里春江外雲山天際看
心隨明月動夢向夕陽安
香浦花初暖羅浮雪不寒
石城言別處迢遞望晴澗

送安士之湖上三首

片帆天際下因識舊遺民
去泛湖頭月還尋谷口人
孤山原在水獨鶴不爲隣
樵盡梅花影難教冰雪春

一湖春水綠隨意作浮家
僧住听邊寺鷗眠烟際沙
小舟依桺葉深磬出桃花
殊慰孤征者悠然對落霞

大悲閣題贈智公

一閣開林麓崔嵬出衆峰
虛窗含遠景杳靄入深松
香

雨淨僧意苔床散鶴蹤晚聞鐘磬罷瞻眺興猶濃
天濟大師書來却寄

南北一江隔天涯何處尋夢隨疎磬斷詩向別峰吟友
道古難得師門今易任遠懷應有共風雨念山深心小

喜劉仕詒書法華經成
書經十二部端爲報親恩一字不容怠三年未出門焚
香存佛念禮像憶慈言人子應如此傳家孝有源

周元亮大叅枉過

白晝空山靜松門忽到車一茶分野席半日坐荒廬方
外逢高韻人間傳異書縱談名理好秋色滿階除

哭子林球子

子病經多月曾無愁愠顏化時猶右臥別夢欲西還洒
淚向斜照焚身來遠山佛聲師友送知不戀人間

贈方望子

弘濟今年寓江流何混茫詩囊臨水石屐齒帶冰霜天
外雲光白松間月色蒼此懷都莫問風雨到山堂

輓楊季采

寄我書猶在空憐夢未圓論文如昨日謝世已經年殘
雪人間事孤雲鳥外天有心應不滅春樹問啼鵑

寄胡柏庵

時有渡江夢孤懷歷歲深暮雲歸鳥意春樹野人心岸
草青連屋山花紅滿林好知千古事明月幾回尋

龍耳風雅卷之十四
登廻瀾磯

獨登孤嶼望天逐大荒流晚照開江底春烟集岸頭
隨山影定鷗與鏡光浮四顧蒼茫裏風帆此暫留

宿廻瀾磯下

江半依山宿波平亦有聲孤舟危石繫片月遠空生長
鏡中涵影橫峰上出城一鐘烟際落魂夢爽然清

友人至

前歲廬山去春江今始來一帆收白鷺雙展到蒼苔
話疑應豁藏詩篋不開長干舊遊處花鳥絕相猜

舟次上河間王汾仲宅聞出遊未返

宅傍垂楊處伊人尚未歸江隨春水濶雲出晚山微
詩

爲懷深述書因地近稀平生何事業風雨一柴扉

送澹遂現姪省覲歸粵

來是曹溪路還從庾嶺歸江干生客夢天際念慈幃
法乳新禪板烟霜舊葛衣白雲遙在望心與日俱飛

廬山

空青萬仞傍湖橫五老香鑪雪可耕瀑布如從天上落
石梁宛入鏡中行六朝開士疑猶在千里遊人夢不成
欲向莽蒼深靜處任閒茅屋聽松聲

山居二首

燒芋烹茶此碧岑從來絕境少人尋坐殘榻上雲歸久
睡熟門前花落深古佛經函慵更展寒山詩句喜頻吟

老僧不是忘機客，纔說無心已有心。
寒山寺裏同喜處，
蒼茫曉色忽黃昏。此意分明不可言。
雲上數峰容我嘯，
溪前片月待誰論。
松杉日與鳴禽靜，
瀑水時同過雨奔。
怪問如何貪木石，
青山中有一乾坤。

寄懷木立和尚

盱江兩寺定幡風，
緇白親承古鏡中。
逸社不知天地別，
放身原識鳥魚同。
墨池落筆翻波黑，
屐齒殘花踏雨紅。
歸到廩山閒把翫，
留予相對漫譚空。

雨中寄鄧元昭太史

欣逢涼雨灑芳洲，
回憶青蓮太史樓。
萬竹自宜棲鶯鶯，
一溪應許到鳧鷗。
座中客滿吟詩好，
江上花開載酒遊。

只恐日邊丹詔至，
不容高臥北山秋。

浮山

浮山直似少陵詩，
平裏含奇未易知。
衆壑翠從當路潑，
九華青許隔江窺。
淺深巖洞僧棲穩，
高下烟雲客到疑。
雷雨連朝春水足，
峰根白處卽湖湄。

蒼翠庵看梅尋寄公不值

曲徑通幽又一門，
花光交錯出山園。
主人未返香堪護，
客子相延日已昏。
想到羅浮空入夢，
吟來東閣實驚魂。
雖憐春事將三月，
賴得天寒是舊恩。

松風閣贈張瑤星

登到松風景自殊，
軒窓蒼莽帶平蕪。
榻前獨見青山滿，

江上斜飛白鳥孤，嘯落高巖狂阮籍，談空絕嶼傲林逋。
常將雙眼窺河漢，月映春郊醉一壺。

贈楊古度

老入江南混俗居，身輕時已七旬餘。鄉園事事都憑夢，
旅舍年年只著書。擬向象先窺所以，却來松下問何如。
偶然談到吾無隱，風送秋香滿草廬。

題畫

一雪滿江干，孤舟釣客寒。誰知烟水上，最好是冬殘。

崇先寺

崇先寺在臯亭前，歇祖開山是宋年。門外桃花紅十里，
不知溪上有人烟。

送枹山大師之關中省親

之秦省覲正春寒，不畏孤筇行路難。見說終南山最好，
可能寄我數峰看。

湖頭

湖頭古木已全虛，嫩綠新紅總不如。唯有孤山林處士，
梅花還剩兩三株。

胡星卿索題三友圖

多年寄托傍孤村，夢裡雲山好共論。碩果苦寒顏色在，
江南猶有此株存。

張南村訪吳興太守近聞在一山，寺度夏兼閱藏
聞入山中較梵華，尋人只作問烟霞。歸舟應待秋江晚，

一路芙蓉看到家

至雙溪

廿里河干綠柳遮中開一半野棠花泊舟獨上溪樓望
空外橫青是九華

留別方太華

先樞三年閏子山多君旦晚獲松關今朝移向金陵去
魂夢猶依雙渡間

秦淮曲二首

是誰溪上打歌聲手把花枝步嬾行賒得酒家三白酒
携來春樹就啼鶯

今日城南遊雨花明朝桃葉弄琵琶囊空那有閒錢使

典却春衣醉落霞

贈陳滌岑樞部二首

何須郭外看東山屋後高樓萬竹間風雨著書消歲月

乾坤留得此人閒

晨齋日復理踈筠風度何如谷口人能隱市廛山自遠

孤亭直與九華隣

釋弘智

字無可別稱藥地即翰林方公以智也甲申後轉側苗尚遂棄家為僧當路前後欲強之

出至裔以封刀終不為動敝衣糲食堪人所不能堪怡然樂之得法于天界覺浪盛公任江右青原

山法化大行期眾萬指山有七祖倒插荆枯數百年至是復榮人以為思公再來公會通三教志在

因法救法剥爛貫穿著書數百卷承三世淵源窮盡差別乃決從來理窟寔與膠葛灼然無疑而備

開物成務之用聖域祖燈可謂絕學集大成矣公為人平恕飲人以和教人以無我為過關因物為

音其居牙卷六十四
適當慎獨于未發明微于中節尤諄諄于好學毋
自欺兩言人有一長輒稱之不吝且扣擊者未嘗
不反覆開示惟恐其不盡其所以愛才造就之者
世內外不可勝數歿之日聞者莫不爲之流涕焉
和陶飲酒九首 辛卯梧州水舍作尚白倡之

論詩于陶不必其飲酒二十首也和者風其風

耳栗里如故葛巾常著豈非天乎予雖不飲倘
然若醉不飲非戒亦非不戒予當爲淵明受雙

非之戒

北窓草木盛壁立如深山四顧雖無人可歌不可言短
歌四五字上下常千年終古北窓下一片心誰傳

子安問黃鵠萬里將安飛八極紛茫茫中路能無悲三
洋飄大海風波還相依安得如潮頭朝夕自言歸一經

離亂中盛年忽已衰有心不敢惟有口當猗違

衰柳蔽秋日黃花紛落英慨然一念至一往無人情不

知地氣熱不知天河傾溪水日夜流蟋蟀隨時鳴哀樂

所不受樂得蜉蝣生

荆扉當谷口一徑臨流開逍遙足千古想見前人懷珍

重此顛沛自問何當乖所見不空曠長林如羈棲出門

風以雨杖屨皆汗泥洗洋任蒙莊志怪聽齊諧直下無

可悟悟者天然迷途窮亦常事何用慟哭回

自然林藪命何論天一隅風波卷地起蓬海皆危塗一

進不能退枉爲世所驅到處容木榻抱膝原無餘自非

一莖草廣廈難安居

我聞鄱陽岸尚有淵明宅潯陽彭澤路所至傳遺跡亂
後村烟少千家不滿百匡廬三疊泉至今飛空白子時
寫一紙自病自愛惜

嘗翻博物志流覽神異經飛身不可信黃冶知無成篝
燈對古人開卷常三更風雨不出戶披衣周中庭閉目
若有見兩耳時一鳴蠹魚成神仙此是天地情
豈少五斗米乃公多一仕貧賤分所甘何必求知已青
蠅爲弔客自聽溝渠耻獨以老親故凄然念鄉里老大
愛忘事甲子猶可紀人傳鳳凰山枳棘非所止寧且隨
鷓鴣一枝良可恃

修士多顧忌吾寧率吾真末世風俗薄猶喜山中淳終
歲無聞見但道禾苗新雖歷干戈後口不言胡秦茅屋
各相望永無車馬塵始知衡山懶無異丈人勤遠公不
飲酒偏與陶公親飽食但高枕絕跡不問津有時濯清
流漉以手中巾古今不同調同是義皇人

梅川奇峰行

梅川西山麓奇峰拔地起截取陽朔道劍鋒四十里削
立數百尺嶮絕成塹壘鬼斧劈崑崙其頂大于趾幔亭
似武夷但少九曲水懸瀑似龍湫莫以剪刀比金精舊
仙窟避世聊徙倚赤面望三巘環巒如列指移家冠石
者種茶采蘭芷俗聽無終約學滿公超市鷄犬喧雲間
子弟甘蓬蘽我來自黎川峰頂熟相視送我遊三巖伏

虎且枕几踰月過碧開寫此伸長紙諸公皆古處相聚
藝經史唐述許津逮靈威藏宛委笑傲此閔苑烟塵脫
傲屣呼風拍掌歌一聲長不死
寄施尚白少叅
水舍遂一紀竹關別九年山谷與冷齋此自多生緣憑
空飛寶蓋傳是臨江仙猶意蒼梧夢寄語到黎川飛峽
曹溪路急流同刺船歸宗披舊衲大呼三疊泉山中開
路人太息非偶然君建瓔珞幢我揮牯牛鞭萍逢西江
口舊榻知新懸隨場布薰風四野無荒田是壤皆可擊
是簾皆可屢藥籠一莖草瓦竈薑棗煎請君試吞吐瓶
水傾雲天匡廬草堂在早寫香山篇冬雪中立春句報

梅花先

隨余老師及諸公遊春浮遯圃

春浮四十年遂作愚公谷手造此山川兀然超往復鞭
石成島磯挿草爲古木方輿收圖記山載文人福今隨
吾師杖別展鴻濛目蓬萊幾回淺謨觴失書屋野水波
浩浩梅檀藏岸曲中洲無片瓦林杪巢鳴鵠將立神道
碑饗堂建其麓老僧啞然笑遊者觀不足未有此山先
高深媚幽獨

二林

雙林古道多荒草北面之麓此間好不煩樓鑰辯三笑
且誦往來成二老誓文鑿石讀勿哀草堂香谷花常開

龍眠下筆開生面古今杖屨欣然來可惜靈運一去不
回首可惜淵明不載東林酒獨賞宗家解臥遊一木一
石皆不朽舉鐵如意來此庭化城猶隔殘沙汀渾身坐
在青青裏不說青山青又青

五老行

亂世尋山恐不深三峽九疊千樹林古人欲識廬山面
何人能識廬山心五老峰上看雲海襟江帶湖原不改
五老峰下瞿唐傾白虹噴沫驅雷霆懸巖無路死躋攀
捫蘿濺水號鬼關等閒借得樵人斧劈破西天造北戶
重陽日真第一山有靈我有筆關同郭熙寫不出請叫
一聲千年畢千年饒有題詩人雕鏤刻畫皆不真自非
放眼長空者此心那與各山親廬山有心問五老五老
面面對人好眼前半句聊草草一世機鋒此間掃

廬山問

廬山問客幾時到客除箬笠仰天嘯九州定數幾肩高
五嶽惟稱華山峭南方雁宕勝天台武夷還讓陽朔道
江湖久慕天池名一生結尾來登眺山公自知實不如
問客曾翻宛委唐述之奇書當面未識匡公廬皮相此
老何其迂蘇迷廬是山川祖欲遊不在中華土三界鯤
鵬卮寓言脚跟依舊桑麻園此去君鄉本不遠今始識
面恨君晚君請吟我知音此山淺其中深匡公名目東
西林高人達士爭相尋名山自有名山筆五老獨得江

湖心

與黃俞邵

高者高深者深平者平有溪有江有滄溟有日有月有
列星或為瞿塘太行阪或為原野或都城蝴蝶丹青是
誰染草木夭矯何多情蠹魚亦具神仙福大鼎正須薪
火烹天子手筆不可負只是莫與時人爭

讀愚山集因畫得浮雲一洗萬峰出

愚山生就名山筆十洲五岳供塗乙瑤石瓊林浴天日
波搖霧合風馳疾我欲贊歎不能悉為畫子春島上絃
歌室忽然潑墨得句一浮雲一洗萬峰出

寄曾止山

蒼梧冰舍投滴血匡廬竹關兩面鐵送君一篇不可說
至今枕子夢寒熱感恩只在潛龍訣隨寓垂簾路自別
君住懸崖四壁絕黃龍白鷺關心切近聞遠遊挾短策
其家日貧日好客且喜新詩變一格渴且鈎斬憐羽翮
若肯穿破玄黃眼青白得與亦可行蠻貊

鐵笛歌

為季蘆夫子作

讀書鼓琴真樂窩吾曾見李季光為之仰天歌以才老
韻駕古語吾曾見張伯雨為之題樂府恒山鳥當上留
田壽巖遺老存長篇自是黍離配三閤却喜富春門下
重新編乃者鐵笛圖片紙作賦幸有偃佺子壺山畊隱
更采藥秉燭南汪判經史想像鶴髦華陽巾江海弄出

音賦風雅卷之四
梅花痕高樓聽雨綽山醉遊絲墮地琴傳神總此一聲
裂金石古人發揮天地碧撐腸萬卷喙三尺乃以七孔
試霹靂箕山瓢裏呼吾師扶桑日落田家移聊借鐵老
加鑪鑪鼠肝鵬背同支離忽然覲面不相識重展此幅
長太息門墻班草藉香林蒼莽堆頭破顏色我欲聞此
笛此笛不可聞但見飛流驅石雷霆奔秋風雁影崩層
雲窮子叩盃作何曲布鼓當軒拍直木須知瓦缶藏黃
鐘萬古鳳凰鳴嶰谷

一覽歌

南北竒峰數不足溪邊見者三十六百尋削鐵無寸土
拔筭成林染青綠丁香鬼面蟹瓜皴李成郭熙皆逡巡
從來圖畫恨優孟凌空倒景難傳真我乘竹筏至其下
流峙相鮮應接暇崖鱗嶂角爭拏雲魚龍起舞鸞驂駕
乃登天游一覽亭仙掌玉華扶隱屏胡麻剝水茶洞傾
忽然粉碎蓬萊青峰峰盤髻皆可上栖真避亂兩無恙
接梯負米不言勞烟嵐簇擁巢居壯南遊虎嘯一綫天
兜率玉版環沸泉北則水雲與水簾馬頭鷹背鐵郎穿
東則獅子王慢把溪口西則鼓樓三教收平川最高三
仰碧霄洞蜂窠衆峽行長扉桃源火焰雙石門倒水分
溪各相送此山崛起一百二十里中流白戰成壁壘勿
令茅塞竒山水不覺墨醅伸五指請看懸瀑試人誰過
關問取拄杖今朝閒

禮佛

雪山冰化水只破一微塵
餓是生來飯灰翻死過人
掀天猶有手下地本無身
黑焰車輪火燒雲寄老親

庚寅仲冬自南洞繫出

本爲林藪客自小耻公卿
抱筆知無命封刀豈望生
國恩三世重覺路一身輕
大笑西風裏何方非化城

哭弟直之

鋒頭經八載度日強沉吟
一綫緇衣命千迴白髮心
在筭方待刃設榻痛亾琴
仗汝空中力因風返故林

度梅嶺

此嶺原無險征夫勞不辭
開山留漢姓鑿路識唐碑
但

有松千尺難求梅一枝
古今南北淚非但爲流離

白香山草堂

多謂青衫濕名山灑墨痕
寫詩留寺院將佛作兒孫
雖發匡廬誓終歸履道園
但傳雲碓語讀者爲招魂

答長干舊韻似旻昭覺岸

高岡謝疎雨獨立自泠泠
空數南朝寺休傷東冶亭
江留天外白山洗晉時青
木末遊人少松濤不許聽

新竹

中德傳寄遠社文初諸子

白日壺中冷依人滿坐陰
一生全是節出世竟何心
天地果然碧門墻從此深
松風相問答原不望知音

和笠山韻

音耶風雅卷之四
竹皆衝碧落松更挂青蘿石不隨流去秋先送葉過略
知醫用藥閒許病來魔掃蕩殘昏曉涼風嶺上多

與季兒中履語口占二首

老矣愚公谷傳家付小愚未能農石戶寧可蠹書厨歇
去隨蝴蝶行時唱鷓鴣一瓢收墨汁容汝泛江湖
貧賤宜流寓垂簾卽草堂醫憐三折臂筆好九迴腸且
煮松間菌閒燒芥子香隨人牛馬呼吾自濯滄浪

與徐仲調高阮懷閒叙

平生詩五變不識是何聲落雁水中字寒蟬秋尚鳴老
知當日病衰讓少年行熟唱文殊問唇牙自不爭

次信公遊青原韻二首

文山遊青原詩云鐘魚閒日月竹樹老風烟一
徑溪流滿四山天影圓無言都是趣有想便成
緣夢破啼猿雨開元六百年空庭橫蟬竦斷碣
偃龍蛇活火叅禪筍清泉透佛茶晚鐘何處雨
春水滿城花夜影燈前客江西七祖家

古今相見處一點自生烟屋背青天落潭心白日圓鷓
鴣啼不歇蝴蝶夢何緣請看山門字題來四百年
石關真似象藤路不疑蛇塔護黃荆樹爐烹碧乳茶晴
雲知夜雨冬雪發春花共說龍潭夢多生到此家

寄梅子長

明三之子

夢吟當日句僧老六朝松高枕三更雪寒林一陣風讀

書原有種遯世不逃空土竈桑薪火簞瓢足送窮

出杉關入閩口號四首

水窮山不盡過嶺又漂萍喜作長橋尾多修過路亭是
村喧水碓種藥屬茅丁翁鬱峻响裏鐘聲許客聽
怪石連山起灘高人不愁推篷三扇箬臨水五層樓櫓
更纏麻石厨皆信規溝編椶抄束紙枕席市中收
福城原覆瓦榕樹老街坊乳橘隨蕉實黃彈雜荔香釀
留紅麴酒果薦白糖霜更喜臨身石芙蓉翠滿堂
此地無榆杏奇材剥卷杉甜諸壘紫菜番菊勝紅藍鯽
墨蝦須杖鱗花鱗尾帆邇來嚴禁解珍品寫空函

鯉湖漫興

谷口傳鳴鼓峰頭起落星珠簾穿雪月丹竈煮雷霆氣
吐雲根白詩開天眼青奇山待奇筆畫出與誰聽

難中示中履

北都南徼外白刃剩家庭我老惟高枕兒曹善抱經鑊
湯爲五岳風浪驗三萍喜汝生憂患應無媿汗青

處取名
汗青閣

回東山石展東文燈巖

癖好窮山水勾雲覲面皴晴秋逢勝地此事讓閒人觀
瀑能醫病臨池亦養神松風容几席白紙最相親

鼓櫂漫興

多年山有夢今日始逢君九曲乘秋水諸峰學夏雲草

前集卷之四
堂遺額在丹竈借香薰定踏天遊頂從吾指掌分

梅花十首

仙迴西溪梅花十里巖伯玉引至此不覺呻吟
第一天心只愛寒東風珍重寫來難眼開便見千秋白
蕊破先傳五葉丹黍谷吹成香道路蘆笙解唱玉闌干
真人面目誰能識壁立崖前仔細看

繞屋扶疎本故鄉化成蓬影自翱翔久知鐵是前生骨
偶爾風傳蠻地香掌上折盤驚割水眉間挂劍冷吹光
千年却遇悲歌者一紙投空淚數行

步障銀鈎罩曲阿四天螺黛散毳羅衣飛小白巖前像
雪擁空青海裏波癡坐竟拋班草杖飽看懶唱採薇歌

不勞帝釋珠宮雨埋怨空生漏洩多

向爲花神作誓文荆榛櫟社任紛紛東皇難保無風雨
西岸何緣脫斧斤憶遠忽同千里色叅天能隔幾重雲
玻璃嚼碎敲空問鐵笛橫吹揔不聞

雷擊冰山浪溼天草鞋何異鐵爲船素車哭盡山陰雪
白練平穿谷口烟玄夢鳳凰誰吐出粉身蝴蝶在春前
可容破帳支籬壁自植松根靠一椽

巉巖石骨倚香林零雨連旬滿地陰忽挂神州天盡月
暗傳盤古歲寒心檐低索笑如澆酒紋斷無絃久碎琴
一片魂成華表鶴唳空長作海潮音

霧收蒼峽覓林光返照紅塵夾路長天女當空無異色

音耳風牙卷之四
行人到此不聞香詞壇豈可誇胡粉窮谷何緣點壽陽
惟有冰心在溪水任他老死白雲鄉

攔路先封沒字碑逢君鐵筆送鉗鎚
九泥枉費當關種樂府翻驚出塞吹
鬢斷西州空托夢灰飛東閣恨題詩
普天一窖槎枒骨雪上加霜好剔眉

慘慄傷心此一回腥風匝地苦相催
慘知漠北春無草哀寄江南信不來
天上招魂非筆墨空中埋玉免塵埃
和根擲向蓬萊外枉費深山瘠土栽

桃源留得漢家春草木當時善避秦
瘴癘未聞花變色風霜直以句投人
寧甘化作三江水那可飄同五市塵
歲歲一場年少夢惟餘老幹自嶙峋

聽人彈琴作

莫是佯爲河上謳移情苦海舊滄洲
木魚可當蘇門嘯落雁彈成異國秋
藥罷烹葵愁客餓詩終削草聽江流
却憐漢曲關山月直過千年劫後留

水井和施尚白懷元次山

荒亭猶足換良辰抱甕烹茶久作隣
歷盡滄桑留此水可憐天地重詩人
濁流懶照緇衣面長袖能揮青草塵
坐定枯腸爲君洗猗玗洞裏血痕新

在梧州水舍作粥飯主二年待刃而已既放回因

拈示彭孔哲何叔鑑

圍城玉貌不言功蹈海還齊久看空
避世仍憑三寸筆

渡人常送半江風孤蓬死後輪猶轉兩路歸時夢自同
此去廚牀隨地設不將經典語遼東

同素臣露坐蘧庵門外

翡翠山前屋一椽開門橋袖晚生烟桃源飲食惟留飯
栗里聲音不在絃洞裏星知當日客湖中月載古來天
此番相對蒲團影吞却逍遙內七篇

再咏三疊泉

三峽巴江似直流疊溪屏嶂幾層收

周武改疊州以其山水層疊也今為

疊溪水綃剪破裁雲幔銀漢斜傾作玉溝畫角鼓聲催急

雨

宋璟以雨點論鼓法鼓角一通為一疊

陽關笛曲送深秋

唐有陽關三疊誰將

折筆圖成後

書家用三折筆

可挂松風最上樓

弘景三層樓

壬辰除夕歸省白鹿度歲於海門江口

此回蓬徑果桑田竊比遺民入社緣

遺民即麟之從遠公事佛而養其父

久望里中如北塞得依膝下即西天詩題且記廬山臘

雪浪從過海口年長跪南浮荒草地伽梨兩袖雨潸然

和白門梅花韻四首

萬代皆傷此日寒枯腸冰冷墨痕乾人間屬和千篇易

世外傳真一筆難還是深山還太古不知大地不平安

逢場眼見繁華盡翻笑雕虫與未闌

舊家手跡白描新想像羅浮見不親雙鬢久忘江北信

一枝空憶嶺南春晚聽玉珮疑山鬼坐取金壺寫谷神

古木懸崖難得到除非鐵骨再來人

音耶風雅卷之十四
刀鎗林裡轉身難說甚桃源老幹殘敗竹那能藏隱士
孤松未免作秦官種留野寺安灰冷雪識天心重歲寒
同一陸沉翻白浪覆舟山後豎橈看
年年忍凍不曾閒臘底春風自往還脂粉掃來惟白戰
根芽托處只青山畫成女字枝無葉點作吳妝苔有斑
折向寒窻無可寄一時飛舞墨池間

涉江阮仙諸公送任高座竹軒閉關

竹影虛堂破竈寒衆人舉火勸加餐原來座上拈花易
畢竟城中乞食難千古風傳今日笑六朝雲入夕陽殘
面前木末鍾山在當作匡廬絕壁看

次杜于皇見贈韻

鍊椎直碎玉連環隻履何須度雪山筆下尚愁前世累
刀頭信得古人閒白毫對月休看指黃面焚香莫厚顏
但叫蒼天能瓦解半空劈破鳳林關

雨夜過臥蛟樓同寓公默公分得先字

過海還鄉木榻懸臥蛟樓信舊龍眠爲君破涕成花雨
隨手傾瓶洗碧天燭影燒殘前世夢詩魂銷入此聲先
墨池乾盡灰難畫仍種寒山父祖田

墓前號忌

銜土成墳忽一年霜風滑路草鞵穿渴瓢滿飲先天藥
秃筆愁荒後世田痛澌三杯茶當酒枉燒四壁紙爲錢
長號倒地千層斷逆作人間破竈烟

題金精洞示諸公

百丈陰崖朽柱支一門塞却水簾垂佳人舊說能遺世
遊子傳神只是詩家在峰頭親過劫書藏洞裏古來疑
蓮花八歲能彈指笑殺男兒面壁時

余老師過泂林

葛蘿松柏嶺烟平夾路黃花重晚晴幸有青山殘瓦礫
尚容白髮舊師生秋添兩袖雲霞色溪和三門鈴鐸聲
大笑泂林橋上影蒼蒼下視甚分明

登快閣次魯直韻

百尺高樓聳出城遠峰沙嶼喜冬晴古人到處心常在
此意從來說不明破瓦千家黃草裏江帆幾點白雲橫

杖藜一過誰知者惟有浮鷗是舊盟

得施愚山書約來年遊黃山

年來三疊煮山茶笑得臨江送落花正借青原爲白社
又期黃海浴朱砂焦村路上乘朝霽石筍岡頭看晚霞
丘壑未忘閒養老夕陽不畏亂雲遮

和江在湄見贈韻

水磨竹杖不沾塵信得青山待客真直木歌逢新拍板
讀書聲愛故鄉人十洲夢醒詩如畫九曲花開秋亦春
浮渡報親庵有約寒巖樹下屋相因

同錢飲光李磊英入裴村口作

扁舟一筆老來同天地藏身托畫工出世相逢黃葉裏

有人先住碧雲中
信知巖壑非凡骨
且拾滄洲入藥籠
對面寫成歌擊節
何須雀躍問鴻濛

偶題

年年芳樹一番風
誰信桃源滿地紅
憶斷梅花看不見
從來春在有無中

匡山懷古

三疊千年少客尋
黃巖一望卽知音
當時太白香山輩
乘興看山總不深

與蔣用弢語

岳江猶有石倉基
盛事興公譜荔枝
一自林鴻傳雅調
三山樓閣盡能詩

與徐器之語

霧靄老將舊登壇
招客如雲宴道山
乾海吹灰猶有夢
越王臺下草斑斕

萬曆庚申阮堅之先生偕道山詩社一時和者百人

茶坑

百里山坑盡種茶
御園久廢落民家
雲窩自造熏籠片
先采漳州穀雨芽



